

LI CWÂRBAU ÈT L' LAPIN.

On cwârbau, rilûjant fin craus,
Si bètch tot glètant d' bigaraus,
Èsteût à djok à n' nin ossî
Al mère copète d'on cèréjî.

On lapin qu'aveût vèyu l' los'
Taudje. I l'arin.ne : « T'as on bia pos',
Mi èto, dji voureût m'achîre
Èt n' nin bouter come lès mènîrs. »...

« Vî soçon, aus grandès-orâyes,
Stind t' bia mouson aus pîds d'one âye ! »...
Li bole di pwèls choûte li lèçon ;
Là, i s'èdâme come on tasson...

On r'naud, vikant au rastrindu,
Avou si stoumak cotwârdu,
Tchaît tot saisi pad'vant l' plat'néye ;
Èt sins paupyî vos l'aspaléye.

Po fé l' long cu èt n' nin bouter,
I vaut mia yèsse wôt astampé !

Mauj'ni